

地240.51
42
部 = 1-36

首册
序
例言
目錄
子目分編索引
編印始末記
顯名
已故職員略傳

蕪湖縣通志

首册

口
艮
土

牛
心

目
果
木

三
用
正

首册

序

例言

目錄

子目分編索引

編印始末記

題名

已故職員略傳

鄞縣通志序

鄞縣通志經十八載之久而今日始告成矣自一九三七年抗日戰事發動以來吾卽時慮此志或半途而廢無以副桑梓人士屬望每一念及志館創設時主持館事者爲吾及趙君芝室負全志編纂之責者爲陳君祀懷及馬君涯民負大部經濟之責者先之以姜君炳生繼之以董君和甫而今日者姜陳趙董四君皆先後歸道山惟吾與馬君碩果僅存然皆景薄桑榆未嘗不慶幸吾與馬君終獲目擊是書之成而深悲姜陳趙董四君先吾二人而長逝也馬君旣對是書抱殘守闕整理校勘而克終其業矣吾不可無文以述是書內容與編纂經過考吾邑志書在清代所修者已有康熙朱士傑聞性道二志乾隆錢大昕蔣學鏞二志周道遵咸豐志及最後張鐵峯陳詠橋徐柳泉董覺軒四先生合纂之光緒志六志之中自以錢志考據爲最精覈光緒志采擷爲最廣博據光緒志凡例所言引用書籍凡千六百餘種然自光緒志告成迄本館成立時已隔六十載之久且世變日劇改革頻煩實不容

不重修况吾鄞設治始自周秦至漢晉時已生齒繁植物產豐盛觀於本書文獻志藝文編金石

所載漢晉甄甌出土之多晉陸雲客車茂安書所述農漁之業魚米之豐秦始皇東游鄞縣之事及是時商賈已北至青徐南至交廣交通之遠即可知之矣唐宋市舶遙達海外南宋遷都甬

為近畿元設海運明建府衛人文亦蒸蒸日上至五口通商後邑人足跡

遍履全國南洋歐美各地財富日增建設雲興尤不容不有弘文巨籍以

記載之故當陳君屺懷草創例目已釐為六志五十餘目附見編印始末記復經編輯

諸子搜羅剔抉爬梳補綴一事一物纖悉靡遺蔚成五十一編數千子目

五六百萬言偉著以光緒志較之僅得其十二三光緒志凡七十五卷在清代以前所修縣志中已為極富然鄞縣通志材料增益三四倍之多

詳見後例言中其編印工事艱鉅自無待言且中經戰事及募捐印刷停頓者近十

二載故是書歷十八寒暑始得歲事雖覺曠久然實非任事者有意稽延

此不得不冀邑中人士諒察者也或有造吾者曰鄞縣通志資材誠詳備

矣門類誠繁富矣體例誠新穎矣然余以為郡邑志乘實不過封建遺產

際此社會大變革時竊恐是書將為歷來縣志中最完善一部亦即為最

後出一部將來當成廣陵散矣吾應之曰否否不然夫社會愈演進人才

亦愈衆多文物亦愈興盛苟無典冊以記載之誰復識先民遺蹟而利用其智慧經驗以爲應興應革之資故將來不特仍有方志其資材更詳備門類更繁富體例更新穎而且采訪更周遍考察更精密統計更確實或將事事物物附以美麗精細圖畫如流傳蘇聯畫刊者然以爲施政措事參考且不獨省有省志縣有縣志行見區有區志鄉有鄉志甚至機關團體工廠學校亦莫不有志以述其改革建設經過而保存其寶貴經驗以爲後人法式安得謂方志絕筆於是書哉至於觀念與內容則因社會演進當然不能盡同姑舉一例言之如人物傳中之人物必非如舊志爲仕宦隱逸孝子節婦與鞠躬盡瘁於一朝一姓之忠臣義僕而爲科學發明家文藝創作者生產勞動模範保家衛國英烈等且婦女亦必依類入傳而非專爲節孝別闢一門此可預計者也客欣然而去乃錄問答之言以畢吾序公元一九五一年四月張傳保

鄞縣通志一序

鄞縣通志例言

本書體例以事類爲緯時代爲經緯分六志一曰輿地志二曰政教志三曰博物志四曰文獻志五曰食貨志六曰工程志每志之下各分數編總共五十一編亦皆以事類分各編之下又列目數百各目又分子目數千事分類別綱舉目張經則上溯周秦下逮抗日戰起典冊所載采訪所及記載略備又綜合六志冠以首冊殿以地圖爲書三十六冊爲圖二十六張定名鄞縣通志所以別於其他縣志也

本書不曰篇曰卷而曰編曰冊者案篇爲竹簡時代書之分部卷爲縑帛時代書之起訖以稱今日積頁線裝之書實非所宜故正名曰編曰冊本書六志各自成一系統每志之前冠以敘目頁數亦由始至末自相聯繫貫且一志之中各編各目亦多各有短敘以述其內容及觀念所以便於檢閱也

本書材料多限於抗戰以前然文獻志延至最近始獲付印故其各編材

料間有補載至抗戰以後迄解放以前者

如乙編選舉學位目直載至民國三十七年畢業之人
戊編藝文金石目直載至民國三十八年所鐫之碑

至解放以後實爲劃時代之革新故概不闕入

本書輿地志八册博物志一册食貨志四册工程志四册及地圖二十六張皆抗戰以前所印製書皆用江南連史紙而字皆爲特鑄之仿宋鉛字淪陷時預儲之江南連史紙仿宋字銅模及印成之工程志藏於省垣者爲敵僞盜取殆盡勝利以後祇得用白報紙普通鉛字續印爲政教志八册文獻志十册首册一册及重版工程志四册故前後不能一律希閱者諒之

本書自設立志館迄印裝完成雖歷十八年之久然中經戰事停頓幾十二年又爲募捐及印刷所延閣故正式編校前後實不滿六年詳載後編印始末記中不贅述

本書原擬附入索引四册從一字至十餘字之詞語凡爲書圖所載一切人地事物名稱莫不標記六志頁數及地圖張數行格皆依各字筆劃

多寡部首先後排列以便閱者翻檢惜因限於經費編輯垂成而竟廢置不得已將首冊之目錄詳加編列且後附子目分編索引共計二百四十二面之多所以使閱者對此巨編不致有無從索驥之歎也

本書文獻志人物亦以事類爲緯時代爲經分列各表然一人往往亦有二類以上可入者翻檢頗屬不易故於其後又附姓名分類索引以姓名筆劃多寡爲次第列之使閱者檢得其類再由目錄中檢得其頁數則一舉手之勞即可檢得其人矣

本書文獻志藝文編中邑人所著書目歷代作者凡千八百餘人倉卒亦難以檢得故首冊目錄中亦依次彙載作者之姓名俾閱者檢得其人後即可由頁數而檢得其著作所以節省翻閱之時間也

本書地圖雖限於經費未能一一實測然鄞縣總圖及分圖十一張依據浙江陸軍測量局地圖外又參考舊有鄞縣圖四種再加以調查視察始行繪製其城廂鄉鎮營建圖八張五十九幅則一一實地測繪而成

甬江圖則摹浙海關所測航路圖大嵩港圖則摹昔年海軍所測軍港圖東錢湖圖則摹昔年濬湖局所測錢湖圖至於沿革區域水陸交通地質物產等圖四張二十幅其地形由總圖縮繪沿革稽諸歷代舊志區域稽諸政府檔案交通路綫地質物產則多憑調查考察所得雖不敢謂一一符合實際然大致可以信云

本書除地圖外又於輿地志附方位界至及氣候潮汐統計圖四幅博物志附農事治蟲月令圖二幅文獻志附歷代著名人物畫像十二幅食貨志附金融運輸物產生計等統計圖二十六幅工程志附工程圖樣一百零五幅所以便後人觀摹也原擬首冊附歷代志乘輿地營建圖十二幅名勝古蹟照片二十八幅文獻志附圖原擬歷代畫像四十八幅金石揚片及珍本書影二十四幅亦減至人物畫像十二幅皆因艱於鑄版經費未能如願以償希閱者諒之

本書各志除序論說明文件章則外幾乎無物無事不列爲表蓋縣志之

爲用本爲一邑建設改革之參考絕非如封建時代官紳階級所想像以爲表揚先世恭敬桑梓或游覽名勝及爲茶餘酒後作談助而編纂也况社會演變愈速人事亦日孳繁當施政措事之際誰耐詳索細閱哉故各列爲表俾循其大書之目而即觀其下載之事一索即得一閱即了不必自始至終讀畢方知近世所編縣志其形式實不容不革新也

本書往往有一事一物而分見各志各編各目各子目者非重複也實因材料性質之不同有不得分見數處者今略舉數例如左

例一 輿地志寅編爲交通政教志辛編亦爲交通然輿地志之交通爲固定之水陸道里及場所線路政教志之交通則爲路航郵電四大行政皆變動者也

例二 博物志記動植物食貨志亦記動植物然博物志所記爲名稱形態性質功用食貨志所記爲產地產量銷路價值此不同者也

例三 輿地志丑編營建有公署一目已編古蹟亦有歷代衙署一目政教志甲編現制行政中亦載各公署蓋營建編之公署爲現存公署之場所古蹟編之公署爲已廢歷代衙署之故址政教志現制行政編之公署則爲其沿革組織章則經費等故不容合載一處也

例四 文獻志庚編方言音讀目鄞縣方言變音表分名物詞類形狀詞類動作詞類虛助詞類四子目而俗名各表亦分此四子目蓋音讀中所記爲事物名稱之變音統計與俗名中事物名稱之文字寫法及其沿革出處絕然不同也

由此四例閱者可以舉一隅而反三隅矣

自北宋大觀明州圖經起至清末光緒鄞縣志止郡邑志書公私著作凡二十餘種見文獻志藝文編典籍目志乘志材目錄而以光緒志爲最完備實概括歷代郡邑志書所載而盡紀之然光緒志七十五卷三十九類本書六志皆分別歸納之約僅佔本書十之二三今將光緒志各類采入於本書各志各編各目

者一一分別比較彙列於左以見一斑

一建置表

采入輿地志甲
編建置沿革

二星野

近世天文學進步知
分野之說無稽故刪

三疆界

為輿地志乙編
疆界之一部分

四風俗

歲時義舉
風俗歲時為文獻志已編禮俗之一部分義舉已廢者見輿地志已編
古蹟中歷代社會義莊善堂考略現存者見政教志子編救濟事業

五鄉里

市鎮
鄉里為輿地志庚編鄉區之一部分
市鎮為輿地志辰編市集之一部分

六城池

街巷
城垣已廢見輿地志已編古蹟故城考略街巷
為輿地志丑編營建中市道及街巷一部分

七公署

郵站
公署已廢者采入輿地志已編古蹟中歷代衙署考略現存者為輿地志丑
編營建中公署之一部分郵站已廢見輿地志已編古蹟中之舊驛傳考略

八坊表

采入輿地志已編古蹟中歷代坊里考略

九山川

為輿地志丁編山林
已編河渠之一部分

十水利

為輿地志已編
河渠之一部分

十一戶賦

鹽課
戶賦及鹽課為政教志丙編財政之一部分倉儲為政教志乙編現制行政
中荒政之一部分其已廢者則見輿地志已編古蹟歷代社會善堂考略

十二學校

此為古代所謂學校見輿地志已編古蹟中歷代學校書院考略及政教志癸編祀典文廟

十三書院 里塾私塾 此為已廢之書院學塾見與地志 已編古蹟中歷代學校書院考略

十四兵制 為政教志甲編歷代行政制度沿革之一部分

十五海防 采入輿地志丙編形勢及戊編海洋

十六壇廟 已廢者見輿地志已編古蹟廢壇廟考略見存者見輿地志卯編廟社及政教志癸編祀典

十七大事記 為文獻志丁編故實之一部分

十八職官表 即文獻志丙編職官中縣官學官二表

十九選舉表 即文獻志乙編選舉中之貢舉

二十武衛表 附文獻志丙編職官之後

二十一宦傳 分附文獻志乙編職官姓名之下

二十二人物傳 凡光緒志所有人物之事蹟已盡采入文獻志各類表中惟略刪節其冗長之奏議文章等並將仕績表分列甲乙二種乙種中除光緒志原有袁琪袁忠徹等傳外又為列入史彌遠王次翁等傳並各類補入同治

光緒以後人物

二十三藝術傳 采入文獻志甲編人物中藝術紀略

二十四列女傳 采入文獻志甲編人物中歷代列女表略

二十五列女姓氏錄 采入文獻志甲編人物中清代旌婦姓氏錄及歷代年代無考節婦姓氏錄

二十六寓賢傳 采入文獻志甲編人物中寓賢紀略

二十七仙釋傳 采入文獻志甲編人物中地方外紀略

二十八藝文 為文獻志戊編藝文中典籍目之歷代縣人書目彙表及歷代異地人為本縣所著掌故書目表之一部分

二十九金石 采入於文獻志戊編藝文中金石目之歷代碑碣目錄及碑碣分類考略

三十古蹟 即輿地志已編古蹟

三十一冢墓 見輿地志已編古蹟中歷代名人冢墓考略

三十二寺觀 現存者為政教志壬編宗教中佛教道教之一部分已廢者見輿地志七編古蹟中廢寺觀考略

三十三祥異 除過涉迷信者刪去外其水旱災荒皆載入文獻志丁編故實中歷代災異類表

三十四雜記 一部分采入文獻志戊編藝文中典籍目之歷代本縣藏書家紀事一部分采入己編禮俗中人事目之習慣迷信神話等

三十五外國 市舶多采入食貨志戊編產銷中通商略史

三十六物產 將有實用者一部分采入博物食貨二志中

三十七方言 為文獻志庚編方言中俗名之一部分

三十八土風

多附於文獻志已編禮俗鄉風之後

三十九舊志源流

多采入文獻志戊編藝文中典藉目之志乘志材目錄

邑人或有謂本書將光緒鄞志舊文任意刪薙不為保存而仍須翻閱光緒志者殆未深考也

本書之材料除十之二三沿襲光緒鄞志舊文而外十之七八則從搜羅各機關團體檔案刊物及近時出版各種有關鄞邑掌故書籍與各處採訪及實地勘察而得今更將本書所有而光緒志所無各項目及其材料彙列於後以資比較

第一輿地志

輿地志凡十六編除甲建置沿革乙疆界丙形勢丁山林戊海洋己河渠庚鄉區丑營建卯廟社辰市集巳古蹟等十一編有一部分分項目材料為光緒志所有者外其餘皆本書增益至辛村落壬戶口癸氏族子氣候寅交通

五編皆為光緒志所無

第二政教志

政教志凡十三編除甲歷代行政制度沿革乙現制行政癸祀典子救濟事業四編各一部分及丙財政中歷代賦課沿革一部分壬宗教中佛教道教一部分為光緒志所有其餘各項目材料皆本書所新增至丁司法戊自

治己公共衛生庚教育辛交通丑黨部團體寅社會現象七編皆本書所增

第三博物志

博物志凡分甲動植礦物類及乙工藝製造品二編除動植物工藝品名稱間有見於光緒志物產類者外其材料皆從實地考察及參考近出科學書籍而得與光緒志援引爾雅本草等書者完全不同至甲編中之地質雜

產及乙編中之草織物
棉織物均屬昔所未有

第四文獻志

文獻志凡七編其甲人物編清同治以前之人物列女乙選舉編貢舉中光緒初年以前之人士丙職官編縣官學官之在清光緒初年以前者丁故實編清同治以前之大事戊藝文編典籍中清同治以前著作之一部分

金石中以前碑碣之一部分己禮俗編中之一部分庚方言編中俗名之一部分采自光緒志外其餘皆繼續採訪而得始行編入者也至如人物編中家代人物畫象姓名分類索引選舉編中之學位公職職官編中之法官警官藝文編典籍中之現代本縣藏書紀事及

歷代板刻與金石目中禮器考略甄覽考略方言編中之音韻諺語歌謠皆非光緒志所有

第五食貨志

食貨志凡分甲農林乙魚鹽丙工業丁商業戊產銷己金融庚生計七編除農林魚鹽中之物產名稱問有見於光緒志者產銷編中之通商略史一部分采自光緒志以外其餘除依據近出書籍刊物外皆由實地調查而得

非光緒志所有

第六工程志

工程志凡分甲建設計劃乙水利工程丙道路工程丁公用工程戊衛生工程己營造工程六編其材料皆依據各機關團體所保存之檔案文件非光緒志所有

從此可見本書之體例材料沿襲光緒志者不過十之二三而自創及新增者實居十之七八故本書既非專續光緒志而編亦非將光緒志屏棄而不過問實為結束解放以前之鄞縣舊文化而啓示後人以革新之準的而作也望閱者注意及之

因時代演進之關係本書作者之觀點雖與以前之編纂方志者不能盡同本書重近世而輕古代一也重現在而輕過去二也重改革而輕保